


“Conzert da Nadé” dla Scora de Musiga en mercuri ai **21 de dezèmbor 2022** dales **18:00** te dlijia a **Badia**. Al cianta y sona les scolares y i scolars dla Scora de Musiga dla Val Badia. Düc é inviá.

“Advënt te plaza”: i jogh de Badia, la jonèza da paur y la Uniun ostís de Badia mèt a jí dan Stüa di Paur „Advënt te plaza“ dales 18.00 inant y ince dô Rorate ai 16 de dezèmbor cun le Cor Philia. Dal momënt che chësta é na aziun de solidarieté, periessun sce valgügn se metess a desposiziun da porté n pü de biscotti da Nadé che i podëis porté en chël de dales 18.00 te ciasota dan Stüa di paur. I jogh y jonèza da paur dá ince fora dô rorate val da bëre. Por info cherdé 346/0102118. Ci che gnará trat ite, jará a FIN DE BÉGN. S’aspetun tróc a ascuté les beles melodies da Nadé!

Le Museum Ladin Ciastel de Tor organisëia n curs de graffiti cun Paul Löwe en vëndres, ai 16.12 (domisdé) y en sabeda, ai 17.12. (danmisdé) en colaboraziun cun le Sorvisc ai Jogn. Cost: 15,00 €/persona, max. 15 partezipanc dai 9 agn insö. L’iscriziun é obligatoria info@museumladin.it o tel. 0474/524020.

L’azienda Museums Provinziai chir por le Museum Ladin de S. Martin n/na colaboradú/ëssa scientifich/a, a tēmp parzial cun cuntrāt determiné. Deplö informaziuns ciafëise sot a <https://betrieb-landesmuseen.provinz.bz.it/trasparente-verwaltung/wettbewerbe.asp> o scrí a info@museumladin.it. Les domandes mëss gní menades ite anter i 19 de dezèmbor.

Informaziun dal KVV de Badia: “Bonus energia”. La Provinzia dá a families y porsones sores n contribut de 500,00 € por daidé paié le strom. Chësc “bonus” ciafa i residënc che á na boleta dal strom a so inom y che á n vadagn (ISEE) sot a 40.000 €. Le K.V.W. é a osta desposiziun vigni lönesc danmisdé te Comun por les informaziuns plö avisa söla prozedöra (plötosc complicada) por rové pro chësc contribut. Al foss sciode renunzié sce an á le dërt da le ciafè.



Plata dla Ploania Badia

San Iaco - San Linert


Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



VAL BADIA

www.unitepastorala.org

Ann „A“ 11.12. – 18.12.2022

3° Domènia de Advënt

n. 03



“ Che cosa siete andati a vedere nel deserto? Un profeta? Sì, io vi dico, anzi, più che un profeta. “

Egli é colui del quale sta scritto: Ecco, dinanzi a te io mando il mio messaggero, egli preparerà la tua via.

Vangele dla proscima Domènia - 4ª de Advënt Ann “A”

Matí 1-18-24

Cun le nadè de Gejù Crist éra stada insciö: Maria, süa uma, é nücia impormetüda a Ujöp; ciamò denanch'ai rovass adöm, s'ära porté pro ch'ara aspetá n möt por opra dl Spirit Sant. Ujöp, so om, che é iüst y che n'orò nia la descredité, s'á tut dant de se desparti adascusc da d'ëra. Ciamò tratan ch'al ponsá sura, ti él compari n agno dl Signur y à dit: Ujöp, fi de Davide, no te temëi da tó pro tè Maria por fomena; deache le möt ch'ara aspeta é dal Spirit Sant. Ara metarà al monn n möt; a chësc desste ti mëte inom Gejù; deach'al salvarà so popul da sü picia. Döt chësc é sozedü, por ch'al s'adempliss ci che Idí à dit tres le profet: Cia-rede, la viria conzepiarà, y metarà al monn n fi, y an ti metarà inom Imànuel, che ô di: Dì cun nos. Canche Ujöp s'á descedè, àl fat, ci che l'agno dl Signur l'à comané, y à tut süa fomena pro d'ël.

FUNZIUNS SACRES

11.12. 3^a DOMÈNIA de ADVÈNT “Gaudete” – Ann A

10.00 **Mëssa por la Comunità**

†ta Maria Pescoll Promberger – aniver. y †ti da Sottrú
†ti Franz Burchia y Francesca Corè

19.30 RORATE: Uniun troht y teater *cianta/sona scora mäjiga)*

†ti Lois y Giuvana Irsara • *oferta d'Advënt* •
†ti Flurino y Rosina Tavella

12.12. Lünesc

07.30 *Laudes*

13.12. Mertesc - S. Lizia

19.30 FUNZIUN PENITENZIALA (*sona i Turmbläser*)

†ti Gustin, Lena y Maria Pescoll
†to Emilio Valentini de Col d'Anví

14.12. Mercui

07.25 Mëssa cun i scolars

†ta Marcella Pallestrong
†ti Egidio y Maria Valentin
por les animes dl purgatore

14.00 Prozesciun en recort dla roa da Anví a Oies y mëssa

16.12. Vëndres – S. Adele

16.30 *Funziun d'Advënt cun i mituns y mitans*

19.30 RORATE por la Mäjiga y en recort dla roa (*sona mäjiga*)

†ti Otto y Zilia Adang
†to Sandro Canins

17.12. Sabeda

16.00 Mëssa a Oies

18.12. 4^a DOMÈNIA de ADVÈNT – Ann A

10.00 **Mëssa por la Comunità**

†ti Matí y Agnese Rubatscher
†ta Clara Pizzinini Pescosta
†ti Trebo dl Hotel Maria

15.00 *Zelebrazion dl Bato*

19.30 RORATE: Orghelisć, Kom.Helfer, Leturs y Cantores

†to Hansi Irsara (*cianta le terzet*)
por les animes plö arbandonades

Dala VITA dla CÜRA

Funziun Penitenziala: i inviun düc en mertesc, ai 13 de dezëmbër dales 19:30 ala Funziun Penitenziala sciöche preparaziun ala festa de Nadé.

Funziun d'Advënt en vëndres ai 16 de dezëmbër é düc i mituns y mitans da scora y scolina inviá te dlijia dales 16:30 a na te picera funziun d'Advënt, por sintí y se conforté al Nadé.

Recort dla roa (10 agn): sciöche vigni ann sarál en mercui, ai 14 de dezëmbër dales 14:00 na prozesciun che pëia ia dala capela dla roa (ite Anví) por jí sö Oies olache al sará na santa mëssa.

Marëna dla jënt atëmpada: le Consëi de Cüra inviëia i berbesc y les mëdes, che s'á prenoté, en chësta domënia ai 11 de dezëmbër do mëssa grana, a jí te Ciasa dles Uniuns ala marëna da Nadé.

Oferta de Advënt – “Adventsoffer 2022”: de chësta präia l'ufize dl'Aministrazion dla Diozeja por podëi finanzié les tröpes ativités ince a sorvisc de nosta cüra. Ala gnará trata ite en chësta domënia ai 11 de dezëmbër tran les mësses o ince tla cassëta jodapé de dlijia.

“3 Resc”: al vëgn chirí porsones dispotes o disponibles da acompagné i Re Magi dai 4 ai 6 de jená... adorun pö indô “camei” deache chësc ann (2023) vai indô da ciasa a ciasa. Chi che ó daidé para pó se anunzié pro Rosmarie al nr. 338 4864740.

Le KWV de Badia inviëia düc i scric ite a süa reuniun generala en sabeda, ai 17 de dezëmbër dales 14:00 te Ciasa Runcher. Al sará na funziun cun siur Degan, relaziun sura l'ativité, onoranzas y lapró gnarál mostré valgünes foto, cornisc musicala y val'da mangé.
Chisc dis gnarál ince partí fora les tesseres.